

# Powšitkowne WOZJEWJENJA

njedźelu, 18. awgusta 2013

## Wulět serbskeje dekanatneje młodžiny

Lětuši wulět serbskeje młodžiny budže njedźelu, 1. septembra. Bus A wotjědže w 11.30 hodź. z Kulo, 11.45 hodź. z Ralbic, 11.55 hodź. z Róžanta a 12.05 hodź. z Njebjelčic. Bus B wotjědže w 11.30 hodź. z Radworja (nawjes), 11.40 hodź. z Baćonja, 11.50 hodź. z Chrósćic (fara), 12.05 hodź. z Pančic-Kukowa (šula) a 12.10 hodź. z Wotrowa (zwonka wsy).

Dojědžemy sej do Königsteina. Po krótkim pućowanju k Łobju zalězemy tam do gumijowych čołmow. W Pirnje změjemy swačinu a krótki nyšpor. Wottam pojedžemy kaž „Panik do Sernjan“, hdžež dzeń z rejemi (hač do 22 hodź.) zakónčimy.

Hačrunjež biskopstwo projekt spěchuje, prosymy wo přinošk we wysokosći 20 eurow na wosobu.

Přizjewće so prošu hač do wutory, 27. awgusta, pola Dekanatneho dušepastyrstwa we Worklecach, telefonowe čisło (03 57 96) 9 55 95, abo na wašich farach. Wšitkich serbskich młodostnych wutrobnje na zhromadny wulět přeprašamy.

*Młodžinska referentka Angelika Kralowa,  
fara Měrcin Deleńk a wosadni duchowni*

## Wopomnjenski nyšpor za Michała Hórniku

Towarstwo Cyrila a Metoda z.t. (TCM) přeprašuje wěriwych ze wšitkich wosadow na wopominanje 180. posmjertnych narodnin přenjeho redaktora Katolskeho Posoła Michała Hórniku do Worklec.

Swjedženski nyšpor budže njedźelu, 1. septembra, w 15 hodź. a zahaji so z wopomnjenjom wótčince při pomniku. Z tutej Božej službu zakónča so zdobom jubilejne zarjadowanja składnostnje 150lětneho wobstaća TCM a 150. rónčnicy přenjeho wudaća Katolskeho Posoła. Nyšporej přizamknje so swačina.

## Zelowy swjedžen w Klóštrje

W klóšterskej zahrodze w Pančicach-Kukowje je njedźelu, 18. awgusta, tradicionalny zelowy swjedžen. Ekumeniski nyšpor w 14.30 hodź, na kotrymž so zelowe kwěćele požohnuja, změjetaj farar na wuměnk u Rolf Hock z Worklec a farar Gerd Fey z Huski. Nyšporej přizamknje so koncert Kamjenskeje Red Tower Big Band. Wona zahraje swingowe, jazzowe, popowe a latinowe štučki. Tež zelowe wiki so přewjedu.

## Wulět seniorow

Hornjołužiski zwjazk Carity přeprašuje seniorow na wulět do Altenberga. Bus wotjědže z Kamjence srjedu, 4. septembra, w 13 hodź. Zajimcy měli so hač do pjatka, 23. awgusta, pod telefonowym čisłom (0 35 78) 37 43 21 pola Carity w Kamjencu přizjewić.